

amarauna  EZTABAIDA

Manipulazioa eta parodiak

Webgune abertzaleen ordeztu haien aurkakoak agertzen dira Terraren bilatzailean

Jabi Zabala • Bilbo

DUELA hiru aste EAJk salatu zuen Telefonica-ren Terra atarian alderdi horri egiten zaion boikota. Zehazki, haren baitan dagoen bilatzailean PNV bilatuz gero, ez zai- gu haren helbidea agertuko. Aitzitik, alderdi horren zein abertzaleatasunaren aurkako makina bat webgunerak emango dizkigu, eta euskal webguneen parodia iraingarri diren asko ere bai.

Lehen Ole izena zuen bilatzailea erabiltzen du Terrak, haren baitan integratua baitago. Telefonica-ren asmoa sareko hainbat zerbitzu batzea, Espainiako eta Latinoamerikako atari nagusia sortzeko. Horregatik, Ole erosi zuen. Egun, Telefonica eta BBVAren akordioaren ondorioz, Espainiako talderik handiena osatzen dute Interneteko komunikazioan.

Ole bilatzailea Katalunian jarri zen abian eta hango Gobernuaren laguntza jaso zuen. Bertako iturrien bidez jakin dugunez, gerora Generalitateko agintariak damu zuten laguntza eman izanaz horren jarrera espainiarzalea hartu zuen bilatzailearen egitasmoari.

Zaharrak berri

Baina Olek euskal webguneei egiten dien boikota ez da berria. 1997ko uztailan, Miguel Angel Blancoren heriotzaz geroztik, kanpaina egin zuen espainiar bilatzaileak, mail bom-

bing kanpainarekin bat eginenez. Beste ideia bat ere gehitu zuten Oleko kudeatzaileek haien hitzetan «ETarenak» ziren webguneei boikota egiteko. Milaka helbideetara bidaltako mezuan ziotenez, «haien bakar-tzea lortzeko biderik onena Ole bilatzailean beti gure sorreratik egin izan duguna da: ez ditugu terrorista-dun webguneen eskabideak onartzen. Olen, komunitate hispanoarentzat erreferentzia baita, ez da posible horrelako webguneak aurkitzea».

Eta halaxe da, ETaren webgunerik ez da ageri Ole bilatzailean. Are gehiago, inolaz ere terroristatzat jo ezin daitezkeen hainbat euskal webguneren alta eskabideak ez ditu onartu Olek. Bere web-

gunean bertan azaltzen denez, bilatzaile honetako editoreek banan-banan aztertzen dituzte eskaerak, eta ez dituzte onartzen haien iritziz egon behar ez luketena.

Bitxia da abertzaleen sareko ekimenek berehalako erantzun izengabeak jasotzea

Aldiz, webgune abertzaleen parodiak eta eduki iraingarriko hainbat webgune ageri dira Olen. Besteak beste, itxuraz Jarraren edo Sabino Arana Fundazioarenak direnak edo EHren parodia, Euskal Histerikos webgunea. Euskal presoaren aldekoaren itxura baina

kontrako edukia duen beste bat ere badago.

Doako eta antzekoak

Sareak lehia politikoan hartu duen garrantzia —beste arlo askotan legez— handia da, eta horrek azaltzen du EAJren sa-

laketa. Egileen helburuak ere argi daude, baina kezka sortu da, libelo horien guztien atzean nor ote dagoen. Denak doako webguneetan daude, eta estilo aldetik antzekoak dira. Nazionalismoaren kontrako *webring* edo webgune sortan daude batzuk eta bertako denak izengabeak dira, Unidad Alavesa alderdiaren webgunea izan ezik. Bitxia da sarean alderdi abertzaleen ekimenek zein euskal nortasunaren aldeko aldarrikapen guztiek berehalako erantzun izengabea izatea.

Abertzaleen aurkakoetan, eta NAZionalismo hitzaren erabilera bereizgarri moduan dutela, famatuenetakoa dugu *La pluma y la Espada*. Maider Intxausti Goenaga delako bateg sinatzen du eta abertzale- tasunaren kontra egiteko sortua da. Antzeko kasua da *La mentira de los separatismos* webgunea. Bertan, *I love .es* webgunerako lotura dago; Kataluniako, Galiziako zein Euskal Herriko domeinuak lortzeko kanpainen aurkako. Bannerren bidez Espainiaren .es domeinuaren handitasuna aldarrikatzeko kanpaina bultzatzen du.

Ole bilatzailea

<http://www.terra.es/La pluma y la espada>
<http://www.geocities.com/SunsetStrip/Club/1726>
<http://www.imaginapoder.es/La mentira de los separatismos>
<http://www.fortunecity.com/burros/14/Dominio español>
<http://www.geocities.com/Athens/Sparta/7469/>

www. www.

WEBGUNEA

Formakuntza sarean

Arabako Zabalnet enpresak etengabeko formakuntza ikastaroak sarean jarri ditu hainbat enpresatako langileentzat. Irakaskuntza telematikoko proiektu honetan 400 ikasle baino gehiago biltzea espero dute Zabalnetekoek aurtengo ikastaroan. Horretaz gain, urtez urte ikastaroan izena ematen duten pertsonen kopuru hori emendatzea da haien helburua. Ez dute, ordea, ikastaro hutsetan geratu nahi Zabalnet enpresakoek, eta hementik bi urtera irakaskuntza arautuan ere urratsak egitea da enpresa honen asmoa.

Zabalnet

www.zabalnet.com

WEBGUNEA



Musikabi musika eskola

Donostiako Musikabi musika eskola sarean da, bere domeinu eta guzti. Bertan, musika eskolan dauden ikastaroen gaineko azalpenak emateaz gain, haren inguruan mugitzen diren hainbat musika talderi buruzko argibideak ageri dira. Beste atal batean Euskal Herriko musika aurkibidea sortu dute talde, bakarlari, disko eta partitura askorekin. Berriak, datozen kontzertuak eta Musikabi Ganbera Orkestrak ateratako azken diskoaren berri ematen da besteren artean.

Musikabi

www.musikabi.com

120.000 artikuluko katalogo bat kontsultatu nahiko nuke, etxetik mugitu gabe erosteko eta %5eko deskontuarekin. Zer egin behar dut?

